



**Broj: 0101-8022-8-LOT.3./18**  
**Sarajevo, 09. 03. 2018. godine**

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog otvorenog postupka zajedničke javne nabavke robe-KOMPJUTERSKA OPREMA za potrebe Univerziteta u Sarajevu, Univerziteta u Istočnom Sarajevu i Univerziteta u Banjoj Luci, kao partnere u Erasmus + Projektu “School-to-Work Transition for Higher education students with disabilities in Serbia, Bosnia & Herzegovina and Montenegro (Trans2Work)” (“Tranzicija studenata s invaliditetom od visokog obrazovanja do tržišta rada u Srbiji, Bosni i Hercegovini i Crnoj Gori”), za LOT 3.-UNIVERZITET U BANJOJ LUCI, na preporuku Komisije za provođenje postupka zajedničke nabavke broj: 0101-8022-7-LOT.3./18 od 06. 03. 2018. godine, rektor Univerziteta u Sarajevu je d o n i o

**ODLUKU**  
**o izboru najpovoljnijeg ponuđača i dodjeli ugovora**

**Član 1.**

Prihvata se preporuka Komisije za provođenje postupka zajedničke nabavke broj: 0101-8022-7-LOT.3./18 od 06. 03. 2018. godine i ugovor o javnoj nabavci robe-KOMPJUTERSKA OPREMA-LOT 3.-UNIVERZITET U BANJOJ LUCI, dodjeljuje ponuđaču ASPO RAIL d. o. o. Alipašina 53, Sarajevo, čija ukupna cijena ponude iznosi: 44.115,00 KM bez PDV-a (slovima: četrdesetčetirihiljadejedenastotinapetnaest KM i 00/100), iz razloga što je u otvorenom postupku, ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

**Član 2.**

Izabrani ponuđač je dužan na adresu Univerziteta u Sarajevu, Obala Kulina bana 7/II, 71 000 Sarajevo, u roku od 3 (tri) dana od dana zaprimanja ove Odluke, dostaviti originale ili ovjerene kopije dokaza traženih tačkom 13.1. i 13.3. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

**Član 3.**

Ova Odluka će biti objavljena na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

**Obrazloženje**

Prema članu 4. Sporazuma o provođenju postupka zajedničke javne nabavke, zaključenog između Univerziteta u Sarajevu (broj: 0101-8022/17 od 30. 11. 2017. godine), Univerziteta u Istočnom Sarajevu (broj: 5643/17 od 07. 12. 2017. godine) i Univerziteta u Banjoj Luci (broj: 01-3363/17 od 23. 11. 2017. godine), Univerzitet u Sarajevu je Ugovorni organ koji zastupa

Univerzitet u Istočnom Sarajevu i Univerzitet u Banjoj Luci u postupku zajedničke javne nabavke robe-Kompjuterska oprema za potrebe Univerziteta u Sarajevu, Univerziteta u Istočnom Sarajevu i Univerziteta u Banjoj Luci, kao partnere u Erasmus + Projektu "School-to-Work Transition for Higher education students with disabilities in Serbia, Bosnia & Herzegovina and Montenegro (Trans2Work)" ("Tranzicija studenata s invaliditetom od visokog obrazovanja do tržišta rada u Srbiji, Bosni i Hercegovini i Crnoj Gori").

Na osnovu Odluke o pokretanju postupka zajedničke javne nabavke broj: 0101-8022-3/17 od 29. 12. 2017. godine, Univerzitet u Sarajevu je pokrenuo otvoreni postupak za javnu nabavku ROBE -Kompjuterska oprema, koji je podijeljen u 3 (tri) LOT-a:

LOT 1.: UNIVERZITET U SARAJEVU

LOT 2.: UNIVERZITET U ISTOČNOM SARAJEVU

LOT 3.: UNIVERZITET U BANJOJ LUCI

Za provođenje postupka zajedničke javne nabavke Odlukom broj: 0101-8022-4/17 od 10. 01. 2018. godine, imenovana je Komisija za provođenje postupka zajedničke nabavke u sastavu: Adnan Kafedžić, predsjedavajući (Univerzitet u Sarajevu) i članovi: Karmel Sokanović (Univerzitet u Sarajevu), Ćemal Suljević (Univerzitet u Sarajevu), Mr. Predrag Ždrale (Univerzitet u Istočnom Sarajevu) i Vladana Pećo (Univerzitet u Banjoj Luci).

Obavještenje o nabavci broj: 999-1-1-9-3-2/18 objavljeno je na Portalu javnih nabavki dana 22. 01. 2018. godine.

Istog dana, na Portalu javnih nabavki objavljena je i Tenderska dokumentacija broj: 0101-8022-5/17.

Sažetak Obavještenja o nabavci broj: 999-1-1-9-3-2/18 objavljen je u "Službenom glasniku BiH" broj 6 od 26. 01. 2018. godine.

Iz Izvještaja o preuzimanju tenderske dokumentacije od strane potencijalnih ponuđača, preuzetog sa Portala javnih nabavki dana 13. 02. 2018. godine u 13:09 sati, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli sljedeći potencijalni ponuđači: Copitrade d. o. o. Njegoševa 6, Bijeljina; "D&D MONTAŽA" d. o. o. Uzunovića 23, Brčko; PRINTEX d. o. o. Hasana Sušića 9 i 11, Sarajevo; ekapija d. o. o. 76300 Bijeljina, Bulevar Mihajla Pupina 10a, Novi Beograd, Srbija; IMTEC d. o. o. Bosanski put bb, Ilijaš; FACIT d. o. o. Merhemića Trg 4, Sarajevo; REBUS d. o. o. Derviša Numića 1a, Sarajevo; TR Network d. o. o. Trg Kralja Petra I Karađorđevića bb, Bijeljina; QSS d. o. o. Dejzina Bikića bb, Sarajevo; BBS Europe Spasovdanska 31Đ/20, Istočno Sarajevo; TeleNet d. o. o. Hamdije Čemerlića 35, Sarajevo; Printera d. o. o. Vojvode Radomira Putnika 46-48, Istočno Sarajevo; R&S d. o. o. Igmanska b.b. Vogošća; Robert`s Plus d. o. o. Marka Marulića 2/V, Sarajevo; Telegroup d. o. o. Marije Bursać 8, Banja Luka; PLAN PLUS d. o. o. dr. Hasana Muminagića 2-a, Zenica; ProTim d. o. o. Dobrinjske bolnice 1A, Sarajevo; MIBO KOMUNIKACIJE d. o. o. Tvornička 3, Ilidža; Veleton d. o. o. Svetosavska 110, Laktaši; Smart computer d. o. o. Vožda Karađorđa bb, Prijedor; Asbis d. o. o. Džemala Bijedića 162, Sarajevo; ARCHITEKTENGRUPPE S71 d. o. o. Kolodvorska 12, Sarajevo; XENON FORTE d. o. o. Tvornička br.3, Ilidža; LANACO d. o. o. KNJAZA MILOŠA 15, Banja Luka; Inpoint d. o. o. Trg djece Sarajeva 1, Sarajevo; MOBNET d. o. o. M.Tita do br. 68, Tuzla; Verso d. o. o. Emerika Bluma 23, Sarajevo; FixIT d. o. o. Patriotske lige 41, Sarajevo; Time Code d. o. o. Tvornička br.3, Ilidža; Telegroup d. o. o. Fra Anđela Zvizdovića 1, Sarajevo; COMP-IT d. o. o. Derviša Numića 9, Sarajevo; KODEKS d. o. o. Antuna Hangija 17, Sarajevo; ERC ZIPO d. o. o. Ložionička 2, Sarajevo; "ELUR" d. o. o. Žrtava domovinskog rata 2, Kiseljak; IT SYSTEMS

d. o. o. Paromlinska 34, Sarajevo; IBUSINESS d. o. o. Trg Ilidžanske brigade bb, TC Dobrinja IV, Istočno Sarajevo; ProComp d. o. o. Vojvodića put broj 6, Zenica; ASPO RAIL d. o. o. Alipašina 53, Sarajevo; ALF-OM d. o. o. Mladena Stojanovića 43-45, Banja Luka; Network I d. o. o. Potporučnika Smajića 26, Bijeljina i GODIMERC d. o. o. Odobašina 1, Sarajevo.

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki dana 13. 02. 2018. godine u 13:09 sati, vidljivo je da su, u periodu ostavljenom za dostavljanje ponuda, od strane potencijalnog ponuđača Network I d. o. o. Potporučnika Smajića 26, Bijeljina, postavljena slijedeća pitanja:

„U sastavu tenderske dokumentacije nalazi se prilog V-B.

1. Sve institucije izdaju potvrde o isporuci na svom memorandumu i u različitim formama, a pri tome sadrže sve tražene podatke iz priloga V-B. Molimo da se izvrši izmjena i isključi prilog V-B i da bude prihvatljiva potvrda u formi koju kupac izdaje.

2. u istom prilogu je navedeno da datum izdavanja potvrde ne može biti stariji od tri mjeseca od dostavljanja ponude. U skladu sa ZJN BiH potvrda treba da zadovolji traženi period tako da molimo da se iz tenderske dokumentacije izuzme navod da potvrda ne može biti starija od 3 mjeseca od dostavljanja ponude, već da samo zadovolji period za koji se ista traži.“

Ugovorni organ je dana 07. 02. 2018. godine, putem sistema elektronskih javnih nabavki, dao slijedeće odgovore na postavljena pitanja:

„1. U skladu sa članom 48. stav (3) Zakona o javnim nabavkama BiH, potvrda o uredno izvršenim ugovorima mora sadržavati sljedeće podatke:

-naziv i sjedište ugovornih strana ili privrednih subjekata;

-predmet ugovora;

-vrijednost ugovora;

-vrijeme i mjesto izvršenja ugovora;

-navode o uredno izvršenim ugovorima.

U vezi sa navedenim, Ugovorni organ će prihvatiti potvrdu o urednom izvršenju ugovora, koju dostavi ponuđač, koja nije u formi predloženoj Tenderskom dokumentacijom (PRILOG V-B), nego u formi koju izdaje kupac ponuđača, ali POD USLOVOM da potvrda o urednom izvršenju ugovora sadrži sve podatke koji su propisani članom 48. stav (3) Zakona o javnim nabavkama BiH, odnosno Tačkom 13.4.2. Tenderske dokumentacije.

2. Ugovorni organ će prihvatiti potvrdu o urednom izvršenju ugovora, koja je starija od 3 (tri) mjeseca od dana dostavljanja ponude.

Potvrda o uredno izvršenom ugovoru treba da se odnosi na period od posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine. Potvrda se dostavlja u originalu ili ovjerena kopija.

Bitno je da potvrda o urednom izvršenju ugovora sadrži sve podatke koji su propisani članom 48. stav (3) Zakona o javnim nabavkama BiH, odnosno Tačkom 13.4.2. Tenderske dokumentacije.“

Drugi pitanja i zahtjeva za pojašnjenje tenderske dokumentacije od strane potencijalnih ponuđača nije bilo.

Na tendersku dokumentaciju nije bilo žalbe od strane potencijalnih ponuđača.

Iz Zapisnika o otvaranju ponuda je vidljivo da je dana 13. 02. 2018. godine u 13,15 sati Komisija za provođenje postupka zajedničke nabavke, po redosljedu prijema, izvršila javno otvaranje blagovremeno prispjelih ponuda slijedećih ponuđača:

R.br.	Naziv i sjedište ponuđača LOT. 3. UNIVERZITET U BANJOJ LUCI	Broj prijemnog protokola	Datum i vrijeme prijema ponude
1.	IMTEC d. o. o. Bosanski put bb, Ilijaš	0101-928/18	13. 02. 2018. u 12,20 sati
2.	ASPO RAIL d. o. o. Alipašina 53, Sarajevo	0101-929/18	13. 02. 2018. u 12,30 sati
3.	Network I d. o. o. Potporučnika Smajića 26, Bijeljina	0101-931/18	13. 02. 2018. u 12,50 sati
4.	"ELUR" d. o. o. Žrtava domovinskog rata 2, Kiseljak	0101-932/18	13. 02. 2018. u 12,55 sati

Na javnom otvaranju ponude je bio prisutan predstavnik ponuđača IMTEC d. o. o. Bosanski put bb, Ilijaš (Pisano ovlaštenje broj: 03/18 od 13. 02. 2018. godine) i predstavnik ponuđača ASPO RAIL d. o. o. Alipašina 53, Sarajevo (Pisano ovlaštenje od 13. 02. 2018. godine).

Uvidom u Obavijest o prijemu pošiljke utvrđeno je da je Ugovorni organ, dana 14. 02. 2018. godine, Zapisnik sa otvaranja ponuda, putem pošte, uputio ponuđačima koji su blagovremeno dostavili ponude.

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika o otvaranju ponuda je vidljivo da je sačinjen sažetak ponuda primljenih u roku, po redoslijedu prijema (kriterij za dodjelu ugovora je najniža cijena):

R. br.	Naziv i sjedište ponuđača	Ponuđeni popust	Ukupna cijena ponude
1.	IMTEC d. o. o. Bosanski put bb, Ilijaš	0,00 KM	47.298,58 KM bez PDV-a
2.	ASPO RAIL d. o. o. Alipašina 53, Sarajevo	0,00 KM	44.115,00 KM bez PDV-a
3.	Network I d. o. o. Potporučnika Smajića 26, Bijeljina	0,00 KM	48.511,00 KM bez PDV-a
4.	"ELUR" d. o. o. Žrtava domovinskog rata 2, Kiseljak	0,00 KM	49.507,00 KM bez PDV-a

Iz Zapisnika Komisije je vidljivo da Komisija za provođenje postupka zajedničke nabavke nije imala nejasnoća u ponudama ponuđača, niti je bilo grešaka u dostavljenim ponudama.

Komisija za provođenje postupka zajedničke nabavke se sastala odmah poslije javnog otvaranja ponuda dana 13. 02. 2018. godine u 13,45 sati i pristupila pregledu i ocjeni ponuda, odnosno provjeri da li su ponuđači ispunili uslove iz člana 45. do 49. Zakona o javnim nabavkama, koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije, te da li su kvalifikovani za nabavku predmetne robe.

Nakon pregleda ponuda, Komisija za provođenje postupka zajedničke nabavke je utvrdila da nijedan od ponuđača koji su dostavili ponudu nije dostavio Potvrdu Vanjskotrgovinske komore ili druge nadležne privredne komore da najmanje 50 % ukupne vrijednosti ponuđenih roba imaju porijeklo iz Bosne i Hercegovine, kako je traženo tačkom 25. Tenderske dokumentacije, nego su ponuđači u Obrascu za ponudu-PRILOG I naveli da se na njihovu ponudu ne mogu primjeniti odredbe o preferencijalnom tretmanu domaćeg, pa je na osnovu navedenog Komisija ocijenila da se ni na jednu ponudu ne može primjeniti preferencijalni tretman domaćeg.

Nakon pregleda i ocjene ponuda, Komisija za provođenje postupka zajedničke nabavke je utvrdila da ponuđači:

1. IMTEC d. o. o. Bosanski put bb, Ilijaš;
  2. ASPO RAIL d. o. o. Alipašina 53, Sarajevo i
  3. Network I d. o. o. Potporučnika Smajića 26, Bijeljina,
- ispunjavaju sve uslove za kvalifikaciju tražene Tenderskom dokumentacijom, što je detaljno konstatovano u Tački 10. Zapisnika o pregledu i ocjeni ponuda, pa je Komisija ponude ponuđača:

- IMTEC d. o. o. Bosanski put bb, Ilijaš;
- ASPO RAIL d. o. o. Alipašina 53, Sarajevo i
- Network I d. o. o. Potporučnika Smajića 26, Bijeljina,

**ocijenila kao PRIHVATLJIVE**, odnosno tehnički zadovoljavajuće, s obzirom da su ispunili sve uslove za učešće propisane članom 45. do 49. Zakona o javnim nabavkama BiH, te sve minimalne uslove koji su utvrđeni Tenderskom dokumentacijom.

Komisija za provođenje postupka zajedničke nabavke je ponudu ponuđača "ELUR" d. o. o. Žrtava domovinskog rata 2, Kiseljak **ocijenila kao NEPRIHVATLJIVU**, odnosno ponuđača je isključila iz kvalifikacije za dalji tok vrednovanja iz slijedećeg razloga:

Tačkom 10. Tenderske dokumentacije je utvrđeno da je tehnička specifikacija predmeta nabavke sa detaljnim opisom roba i količinama navedena u Obrascu za cijenu ponude-PRIOLOG II, a kako bi se ponuda smatrala prihvatljivom, da je ponuđač dužan uz popunjen Obrazac za cijenu ponude-PRIOLOG II, dostaviti i Originalnu ponudu sa detaljnom tehničkom specifikacijom ponuđene robe, navodeći proizvođača, tačan naziv, model i garanciju za robu koju planira isporučiti.

Ugovorni organ je u Obrascu za cijenu ponude-PRIOLOG II-Tačka 4. utvrdio da su u priloženoj tabeli Obrasca za cijenu ponude date minimalne tehničke karakteristike koje ponuđena roba mora da posjeduje, a ukoliko ponuđena roba nema neke od zahtijevanih tehničkih karakteristika, takva roba će se smatrati neodgovarajućom i ponuda će biti odbijena kao neprihvatljiva u smislu odredaba Zakona o javnim nabavkama.

Ugovorni organ je u Obrascu za cijenu ponude-PRIOLOG II-utvrdio minimalne zahtjeve za sve stavke, a za stavku broj: 14.-Web kamera je utvrđeno da navedena roba mora zadovoljiti slijedeće minimalne zahtjeve:

“CMOS sensor tehnologija Sensor Resolution: 1920 X 1080 Slika: 5 megapixel (2560 x 2048 pixel) Kompatibilna sa Microsoft Windows 10 / 8 / 7 Auto focus od 0.1m do  $\geq$  10m Ugrađen omni-directional super wideband mikروفon Skype for Business Certified 3x digitalni zoom RB Garantni rok: minimalno 6 mjeseci“.

Uvidom u Originalnu ponudu ponuđača u kojoj je ponuđač naveo detaljnu tehničku specifikaciju robe koju planira isporučiti za stavku broj: 14, proizvođača, tačan naziv i model robe, Komisija za provođenje postupka zajedničke nabavke je utvrdila da tehničke karakteristike koje je ponuđač naveo: Rezolucija (slika): 1 megapixel (1280 x 720, 640x480 pixel) ne odgovaraju minimalnim tehničkim karakteristikama koje je zahtijevao Ugovorni organ da ponuđena roba mora da posjeduje, pa je s tim u vezi zaključila da se takva roba smatra neodgovarajućom.

Nakon provjere računске ispravnosti dostavljenih ponuda, Komisija za provođenje postupka zajedničke nabavke je u zapisniku konstatovala da u ponudama ponuđača: IMTEC d. o. o. Bosanski put bb, Ilijaš; ASPO RAIL d. o. o. Alipašina 53, Sarajevo i Network I d. o. o. Potporučnika Smajića 26, Bijeljina nije bilo računskih grešaka.

Komisija za provođenje postupka zajedničke nabavke je, prema kriterijumu najniža cijena, sačinila rangiranje prihvatljivih ponuda na slijedeći način:

R. br. na rang listi	Naziv i sjedište ponuđača	Ponuđeni popust	Ukupna cijena ponude
1.	ASPO RAIL d. o. o. Alipašina 53, Sarajevo	0,00 KM	44.115,00 KM bez PDV-a
2.	IMTEC d. o. o. Bosanski put bb, Ilijaš	0,00 KM	47.298,58 KM bez PDV-a
3.	Network I d. o. o. Potporučnika Smajića 26, Bijeljina	0,00 KM	48.511,00 KM bez PDV-a

U predmetnom postupku javne nabavke nije bilo potrebe za podnošenjem zahtjeva za objašnjenjem cijene ponude.

Komisija za provođenje postupka zajedničke nabavke, u skladu sa članom 6. stav (1), tačka i) Sporazuma o provođenju postupka zajedničke javne nabavke, zaključenog između Univerziteta u Sarajevu (broj: 0101-8022/17 od 30. 11. 2017. godine), Univerziteta u Istočnom Sarajevu (broj: 5643/17 od 07. 12. 2017. godine) i Univerziteta u Banjoj Luci (broj: 01-3363/17 od 23. 11. 2017. godine), dala je preporuku rektoru Univerziteta u Sarajevu da za nabavku robe-KOMPJUTERSKA OPREMA-LOT 3.-UNIVERZITET U BANJOJ LUCI u okviru Erasmus + Projekta "School-to-Work Transition for Higher education students with disabilities in Serbia, Bosnia & Herzegovina and Montenegro (Trans2Work)" ("Tranzicija studenata s invaliditetom od visokog obrazovanja do tržišta rada u Srbiji, Bosni i Hercegovini i Crnoj Gori"), donese odluku o izboru najpovoljnijeg ponuđača i dodjeli ugovor ponuđaču ASPO RAIL d. o. o. Alipašina 53, 71000 Sarajevo, čija ponuda je, u skladu sa kriterijom najniža cijena tehnički zadovoljavajuće ponude, ocijenjena kao najpovoljnija sa ukupnom cijenom ponude od: 44.115,00 KM bez PDV-a (slovima: četrdesetčetirihiljadejedenastotinapetnaest KM i 00/100).

Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćena je preporuka Komisije za provođenje postupka zajedničke nabavke, te je odlučeno kao u dispozitivu ove Odluke.

#### **POUKA O PRAVNOM LJJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi**, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj



#### **Dostaviti:**

1. IMTEC d. o. o. Bosanski put bb, 71380 Ilijaš
2. ASPO RAIL d. o. o. Alipašina 53, 71000 Sarajevo
3. Network I d. o. o. Potporučnika Smajića 26, 76300 Bijeljina
4. "ELUR" d. o. o. Žrtava domovinskog rata 2, 71250 Kiseljak
5. Univerzitet u Istočnom Sarajevu, Vuka Karadžića 30, 71126 Istočno Sarajevo
6. Univerzitet u Banjoj Luci, Bulevar vojvode Petra Bojovića 1A, 78000 Banja Luka
7. Prorektor za finansije Univerziteta u Sarajevu
8. Generalni sekretar Univerziteta u Sarajevu
9. Služba za računovodstvo i finansije Univerziteta u Sarajevu
10. u evidenciju javnih nabavki
11. web stranica Univerziteta u Sarajevu
12. a/a

#### **Prilog:**

-Zapisnik o pregledu i ocjeni ponuda